



Está sendo moi sonado estes días o apartado [C do artigo 41 da lei 9/2003, do 19 de decembro](#), do emprendemento e da competitividade económica de Galicia, que afecta moi negativamente ás comisións de festas. Este artigo sinala que "a celebración de espectáculos e actividades extraordinarias e, en todo caso, os que requiran instalacións de escenarios e estruturas móbiles estarán sometidas á obtención de licenza". É dicir, para armar unha festa, unha verbena, terase que presentar un proxecto completo, asinado por técnico competente, para solicitar o evento, no que se determine o axuste das festas á normativa urbanística e sectorial, e que estableza determinacións sobre prevención e seguridade en incendios. Un paso para que non están preparadas o gran número de comisións de festas do país.

Tamén teñen que presentar, entre outra documentación, plan de emerxencias, plan de auto protección, estudo da mobilidade xerada, estudo de impacto acústico e dispositivo de asistencia sanitaria. (art. 42 da sinalada lei).

Responsables

O artigo 58 da lei considera responsables das infraccións "*as persoas físicas ou xurídicas*" nomeadamente "*os organizadores de espectáculos públicos e actividades recreativas e, de ser o caso, os*

técnicos redactores do proxecto ou dos certificados técnicos serán sancionados como responsables polos feitos que constitúan infraccións administrativas reguladas nesta lei
”.

Sancións

O artigo 58 da devandita lei prevé multas que van dos 300 aos 30 mil euros e suspensións de actividades de ata un ano segundo trátase de faltas leves ou graves, establecidas nos artigos 54 e 53 respectivamente. Correspóndelles aos concellos a competencia para “*incoar, instruír e resolver os expedientes sancionadores*”.

Na Costa da Morte xa a queren cambiar

O tema xa entra en debate político en Cee, onde o grupo local socialista presenta unha moción contra a nova lei por entender que restrinxe a celebración de festas, segundo da conta o xornal colaborador [Que pasa na costa.](#)

Sobre o tema, a concelleira de Cee, Anabel Piñeiro (PSOE) considera que "o goberno do PP continúa a crear problemas onde non os hai e, en lugar de simplificar e eliminar burocracia, coloca nunha situación moi complicada tanto ás comisións de festas como aos concellos de toda Galicia manifestando o seu total descoñecemento da realidade do noso País", segundo publica ese xornal.

Coa colaboación do xornal [Que pasa na Costa](#)